

Na osnovu člana 1. stav 3. i 4. Okvirnog Zakona o osnovnom i srednjem obrazovanju u Bosni i Hercegovini (Službeni glasnik Bosne i Hercegovine broj: 18/03) i člana 95. Zakona o osnovnom odgoju i obrazovanju (Službene novine Hercegovačko-neretvanskog kantona broj: 5/00, 4/04, 5/04, 1/14 i 7/16), Školski odbor JU Osnovne škole "Mujaga Komadina" Mostar, na sjednici održanoj dana 23.4.2021. godine, usvaja

PRIJEDLOG
ODLUKE
O IZMJENAMA I DOPUNAMA PRAVILA
JU OSNOVNE ŠKOLE „MUJAGA KOMADINA“ MOSTAR

Član 1.

Član 11. Pravila stav 1. se mijenja i isti sada glasi:

„Djelatnost škole, u skladu sa Odlukom o klasifikaciji djelatnosti Bosne i Hercegovine 2010 je:
85.20. - osnovno obrazovanje.“

Član 2.

Član 21. Pravila se mijenja i isti sada glasi:

„Nastava se organizira po razredima, a neposredno izvodi u odjelima i odgojno-obrazovnim grupama.

Za učenike od prvog (I) do petog (V) razreda, nastava se organizira kao razredna, a za učenike od šestog (VI) do devetog (IX) razreda, nastava se organizira kao predmetna.

Za učenike razredne nastave predmetna nastava može se organizirati iz stranih jezika, a za učenike petog (V) razreda iz odgojnih područja (likovna, muzička, tjelesna kultura).“

Član 3.

Član 31. se mijenja i sada glasi:

„Sedmično i dnevno opterećenje učenika, odnosno, ukupan broj nastavnih sati, utvrđuje se u skladu sa Zakonom.

Nastavni čas u pravilu traje 45 minuta.

U iznimnim slučajevima, trajanje časa se može skratiti u svim osnovnim školama na području kantona, u skladu sa situacijom koja zahtjeva skraćivanje časa, o čemu Odluku donosi direktor.“

Član 4.

Član 47. stav 6. Pravila se mijenja i isti sada glasi:

„Opći uspjeh učenika od šestog (VI) do devetog (IX) razreda utvrđuje, na prijedlog predmetnih nastavnika, odjeljensko vijeće.“

Član 5.

Član 52. stav 4. se mijenja i isti sada glasi:

„Učenik devetog razreda (IX) koji na kraju nastavne godine ima ocjenu nedovoljan (1) iz jednog predmeta, može polagati popravni ispit nakon isteka petnaest (15) dana od kad mu je saopćen opći uspjeh, bez prava ponovnog polaganja u augustu.“

Član 6.

Član 55. stav 3. i stav 4. se mijenjaju i isti sada glase:

„Učenicima prvog (I), drugog (II), trećeg (III), četvrtog (IV) i petog (V) razreda u učeničkoj knjižici evidentira se uspjeh na kraju nastavne, odnosno školske godine i služi kao dokaz o završenom razredu.

Učenicima šestog (VI), sedmog (VII), osmog (VIII) i devetog (IX) razreda na kraju nastavne, odnosno školske godine izdaje se svjedodžba o završenom razredu“.

Član 7.

Član 65. se mijenja i isti sada glasi:

„Na izrečenu pedagošku mjeru učenik, odnosno njegov roditelj ili skrbnik imaju pravo žalbe drugostepenom organu.

Odluka drugostepenog organa škole je konačna, osim u slučaju kada se radi o izrečenoj mjeri premještanja učenika u drugu školu, gdje roditelj odnosno skrbnik učenika može uložiti prigovor Ministarstvu u roku od 3(tri) dana od dana prijema pismene odluke drugostepenog organa.

Ulaganje prigovora odlaže izvršenje izrečene mjere.“

Član 8.

Iza člana 66. dodaje se novi član 66a. koji glasi:

„U cilju očuvanja zdravlja učenika i školskog osoblja škola je dužna postupati u skladu sa higijensko-epidemiološkim naredbama, preporukama i mjerama nadležnih institucija.“

Član 9.

Član 77. mijenja se i sada glasi:

„Član Školskog odbora ne može biti:

- a) Direktor, zamjenik i pomoćnik direktora i čelnik sindikata u školama kantona,
- b) Osoba koja je kažnjavana.“

Član 10.

Član 91. se mijenja i isti sada glasi:

"Odluka o izboru kandidata donosi se većinom glasova od ukupnog broja članova Školskog odbora.

Školski odbor je obavezan u skladu sa Odlukom Gradskog vijeća Grada Mostara o kriterijima i postupku za imenovanje upravnih odbora/upravnih vijeća javnih ustanova čiji osnivač je Grad Mostar te njihovim pravima, obavezama i odgovornosti (Službeni glasnik Grada Mostara broj 5/05) prije odlučivanja u Školskom odboru pribaviti odnosno zatražiti pismeni stav gradonačelnika o imenovanju direktora i pomoćnika direktora škole.

Škola je obavezna u roku od 30 (trideset) dana od dana zaključivanja natječaja za izbor ravnatelja dostaviti Ministarstvu prijedlog kandidata za ravnatelja radi davanja saglasnosti.

Po pribavljanju saglasnosti Ministarstva, Školski odbor donosi odluku o imenovanju direktora škole.

Ukoliko škola propusti rok iz stava 2. ovoga člana ili predloženi kandidat iz određenih razloga ne dobije potrebnu saglasnost, Ministarstvo će tada, uz mišljenje osnivača, imenovati vršioca dužnosti direktora škole na mandat od 6 (šest) mjeseci.

Član 11.

Iza člana 91. dodaje se novi član 91.a koji glasi:

„Direktor škole imenuje se na razdoblje od 4 (četiri) godine i po isteku prvog mandata ista osoba može u istoj školi biti ponovno imenovana na samo još jedan mandat. Po isteku mandata direktora, škola je dužna osobi osigurati radno mjesto u skladu sa stručnom spremom i radnom sposobnosti.

U roku od 8 (osam) dana od dana imenovanja direktora škole, pismenim putem će se o odluci o imenovanju ravnatelja obavijestiti svi učesnici konkursa“.

Član 12.

Član 95. stav 3. Pravila se mijenja se i sada glasi:

„Pomoćnik direktora škole imenuje se na razdoblje od 4 (četiri) godine i po isteku prvog mandata ista osoba može u istoj školi biti ponovno imenovana na samo još jedan mandat. Po isteku mandata pomoćnika direktora, škola je dužna osobi osigurati radno mjesto u skladu sa stručnom spremom i radnom sposobnosti“

Član 13.

Član 128. mijenja se i isti sada glasi:

„Djelatnost osnovnog obrazovanja financira se sredstvima iz Budžeta Kantona i Budžeta jedinice lokalne samouprave.“

Član 14.

U članu 129. iza tačke 4. dodaje se nova tačka 5. koja koja glasi:

„ 5. Prevoz zaposlenika.“

Član 15.

Član 130. mijenja se i sada glasi:

„Jedinica lokalne samouprave/osnivač škole dužan je osigurati sredstva za:

Prevoz učenika

Prehranu i produženi boravak učenika

Materijalne troškove i amortizaciju

Tekuće održavanje prostorija, nabavku opreme i nastavnih pomagala.“

Član 16.

Iza član 130. dodaje se novi član 130a. koji glasi:

„Jedinica lokalne samouprave/osnivač škole dužna je

osigurati besplatan prevoz za učenike.

Način i uvjeti obavljanja prevoza uredit će se posebnom odlukom jedinice lokalne samouprave/osnivača škole.“

Član 17.

Iza član 134. dodaje se novi član 134a. koji glasi:

„Protokol o postupanju u slučaju nasilja u školi koji je donijelo Ministarstvo, sastavni je dio Pravila škole.“

Član 18.

Prijedlog ove Odluke biti će dostavljen na Saglasnost Gradskog vijeća Grada Mostara kao osnivača i Ministarstva obrazovanja, nauke kulture i sporta HNK-a.

Broj: 03-62/21

Mostar, 23.4.2021.godine

